

اندروید موبایل‌لارین انسانلار عالم اولورلار

محققلرین دَندِیگینه گۆره عاغیللی اندروید موبایل‌لاری اولان انسانلار عالم اولا بیلرلر و موبایل‌لارینی شارژ ائله‌دیقلاری زمان، مهم علمی پروژه‌لرده مشارکت ائلیه بیلرلر.



محققلرین دَندِیگینه گۆره عاغیللی اندروید موبایل‌لاری اولان انسانلار عالم اولا بیلرلر و موبایل‌لارینی شارژ ائله‌دیقلاری زمان، مهم علمی پروژه‌لرده مشارکت ائلیه بیلرلر. کالیفرینا برکلی دانشگاهی‌نین محقق‌لری عاغیللی موبایل‌لارا تازا برنامه طراحی ائدیبلر کی اؤز انسانلار موبایل‌لارینی استفاده‌سیز گؤچلریندن علمی پروژه‌لرین عدلرینی سیندیرماغا استفاده ائله‌سینلر. محقق‌لرین نظریه گۆره بو مشارکتلر تازا طبیی درمانلاردان توتמוש تازا اولدوزلارین کشفینه قدر بؤیوک ترقی‌لره سبب اولا بیلر.

بو برنامه، برکلی دانشگاهی‌نین «برکلی‌نین آچیق شبکه محاسبه‌لری‌نین آلت قورولوشلاری» آدیندا پروژه‌لری‌نین بیر‌نین واسطه‌سی اینن طراحی اولوب. بو پروژه کامپیوتری برنامه‌سینه گۆره تانینیب. بو برنامه دنیانین دؤرد طرفینده الییدن آرتیق محاسبه پروژه‌سیندن حمایت ائلیر. بو برنامه بو پروژه‌لره، دنیانین دؤرد بوجاغیندا کامپیوتر صاحب‌لری‌نین باغیشلا‌دیغی استفاده‌سیز گؤچلردن استفاده ائله‌ماق امکانی وئریر. ائله دیتالارین کی اونلارین آنالیزینه نرمالدا چوخ باهالی سوپر کامپیوترلره احتیاج وار. بو تازا برنامه «اندروید BOINC» آدلانیر و Google Play Store طریق‌ی اینن اله گله بیلر و عاغیللی اندروید نسخه 2.3 و اوندان یوخاری موبایل‌لارا نصب اولا بیلر.

برکلی دانشگاهی‌نین فضایی علملر آزمایشگاهی‌نین عالمی «دیوید اندرسون»ون دَندِیگینه گۆره دنیانین دؤرد طرفینده بیر میلیارد یاخین اندروید سیستم‌لی الکترونیک دستگاه وار و اونلارین محاسبه گوجو دنیانین لاپ بؤیوک سوپر کامپیوترلریندن چوخدور. موبایل دستگاهلاری چوخ جهتدن گله‌جاغین موجی سایبیلرلار و محاسباتی چتینلیقلارین حل‌ینه کؤمک ائلیه بیلرلر. بو برنامه عاغیللی تلفون شارژ اولدوغو زمان و یوزده 95 شارژ اولدوغوندا فعال اولار. بو اوزدن شارژین سرعتینی آزالدا بیلر.

بو برنامه فقط وای فای اینترنتی اینن کامپیوتری پروژه‌لرین رابطة قورار و پیش فرض تنظیملرینن دَییشه بیلر.

لینک مطلب در سایت : <http://torki.tebyan-tabriz.ir/?MID=21&Type=News&id=674>